



Zaista se pokajala pokajanjem koje kada bi se podijelilo na sedamdeset stanovnika Medine bilo bi im dovoljno, a možeš li naći nešto bolje od toga da sebe preda Allahu Uzvišenom.

Ebu Nudžejd Imran b. Husajn El-Huza'ijj, radijallahu 'anhu, prenosi da je Poslaniku, sallallahu alejhi ve sellem, došla žena iz plemena Džuhejne koja je ostala trudna iz zinaluka, i rekla: "O Allahov Poslaniče, zaslužila sam šerijatsku kaznu pa je izvrši nada mnom". Nakon toga je Poslanik, sallallahu alejhi ve sellem, pozvao njenog staratelja i rekao: "Budi dobar prema njoj, i kada se porodi dovedi je.", pa je tako i uradio. Nakon čega je Poslanik, sallallahu alejhi ve sellem, naredio da joj se odjeća zategne i da se kamenuje, zatim joj je klanjao dženazu. Omer, radijallahu 'anhu, mu je tada rekao: "Klanjao si joj dženazu, a počinila je zinaluk?!" A on mu je odgovorio: "Zaista se pokajala pokajanjem koje kada bi se podijelilo na sedamdeset stanovnika Medine bilo bi im dovoljno, a možeš li naći nešto bolje od toga da sebe preda Allahu Uzvišenom."

[Vjerodostojan] [Hadis bilježi imam Muslim]

Žena, iz plemena Džuhejne koja je iz zinaluka ostala trudna došla je Poslaniku, sallallahu alejhi ve sellem, i zatražila da se nad njom izvrši šerijatska kazna, zbog djela koje je počinila. Zatim je Allahov Poslanik, sallallahu alejhi ve sellem, pozvao njenog staratelja i naredio mu da bude dobar prema njoj, te da je nakon poroda ponovo dovede, koji je tako i uradio. Zatim je Poslanik, sallallahu alejhi ve sellem, naredio da se njena odjeća stegne oko nje i sveže, kako se ne bi otkrilo njeno tijelo, te je naredio da se nad njom izvrši smrtna kazna kamenovanjem. Potom joj je klanjao dženazu i dovio za nju dovom koja se uči za mejita na dženazi, pa mu je Omer, radijallahu 'anhu, rekao: "Klanjao si joj dženazu i dovio si za nju, a počinila je zinaluk?!" Tada ga je Allahov Poslanik, sallallahu alejhi ve sellem, obavijestio da se ona pokajala pokajanjem koje, kada bi se podijelilo na sedamdeset grješnika, obuhvatila bi ih i koristila bi im. Razlog tome je upravo to što je ona sama došla i priznala grijeh koji je počinila, te zatražila da se nad njom izvrši šerijatska kazna kako bi se rasteretila tog grijeha, pa da li nakon ovoga postoji nešto bolje i vrednije!

النجاة الخيرية
ALNAJAT CHARITY

